

**UGOVOR O NABAVCI ROBE –  
FINANSIJSKI INFORMACIONI SISTEM**

zaključen između Ugovornih strana:

**1. UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: Naručilac)

ID: 4200494560007

i

**2. ORBICODE d.o.o.**, ul. Emerika Bluma 15, 71000 Sarajevo, koga zastupa direktor Sanel Salkić (u daljem tekstu: Prodavac)

ID broj: 4201929920007

Broj transakcijskog računa: 3060002932836680 otvoren kod ADDIKO BANK DD

## **I. PREDMET UGOVORA**

### **Član 1.**

(1) Predmet ovog Ugovora je roba:

**ROBE – FINANSIJSKI INFORMACIONI SISTEM** (u daljem tekstu: Roba) za potrebe i po zahtjevu Naručioaca.

(2) Prodavac se obavezuje da robu isporuči u skladu sa zahtjevima i uslovima utvrđenim u Tenderskoj dokumentaciji Naručioaca broj: 0101-10207-3/19 od 27. 12. 2019. godine (u daljem tekstu: Tenderska dokumentacija Naručioaca), ponudom Izvršioca broj: 001-8-007-20 od 10. 02. 2020. godine (u daljnjem tekstu: Ponuda Prodavca) i pozitivnim propisima koji uređuju predmetnu oblast.

(3) Ponuda Prodavca je u prilogu i čini sastavni dio ovog Ugovora.

## **II. CIJENA**

### **Član 2.**

(1) Ukupna cijena predmeta ugovora:

**360.000,00KM bez PDV-a**

(slovima: tristotinešezdesethiljadaKM i 00/100)

što sa uračunatim PDV-om iznosi:

**421.200,00 KM sa PDV-om**

(slovima: četiristinedvadesetjednahiljadadvijestotineKM i 00/100).

(2) Cijena robe obuhvata sve troškove koje Naručilac treba platiti Prodavcu u vezi sa Robom.

(3) Ugovorena cijena iz stava 1. ovog člana je fiksna i neće se mijenjati tokom perioda realizacije ovog Ugovora.

### **III. NAČIN PLAĆANJA**

#### **Član 3.**

- (1) Ugovorne strane su saglasne da će Naručilac izvršiti plaćanje isporučene i implementirane robe u roku od 30 (trideset) dana od dana dostavljanja potpisane i ovjerene fakture od strane Prodavca.
- (2) Prodavac je dužan da uz fakturu dostavi potpisan „Zapisnik o kvantitavnom i kvalitativnom prijemu robe“ i Garanciju za uredno izvršenje ugovora.
- (3) Prodavac dostavlja fakturu sa propratnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.
- (4) Plaćanje se vrši po dospijeću na transakcijski račun Prodavca.
- (5) Sredstva za realizaciju ovog Ugovora obezbijeđena su iz Budžeta Kantona Sarajevo.

### **IV. ROK ISPORUKE ROBE I IMPLEMENTACIJE SISTEMA**

#### **Član 4.**

Prodavac se obavezuje da će predmetnu robu i njenu implementaciju izvršiti jednokratno, u roku od 270 (slovima: dvijestotinesedamdeset) kalendarskih dana, računajući od dana obostranog, pismenog, usaglašavanja početka roka.

### **V. UGOVORNA KAZNA**

#### **Član 5.**

- (1) Ukoliko Prodavac svojom krivicom ne isporuči robu, odnosno istu ne implementira u roku utvrđenom u člana 4. ovog Ugovora, a ne radi se o višoj sili, Prodavac se obavezuje da Naručiocu plati ugovornu kaznu u visini od 1% od ugovorene vrijednosti Robe, za svaki dan kašnjenja do urednog izvršenja, s tim da ukupan iznos ugovorne kazne ne može preći 10% (desetposto) od ukupno ugovorene vrijednosti Robe.
- (2) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Naručioca.
- (3) Prodavac neće platiti ugovornu kaznu ako dokaže da nije kriv za kašnjenje u izvršenju Ugovora.
- (4) Prodavac će platiti samo dio ugovorne kazne koji je srazmjern njegovoj krivici, ako dokaže da je samo djelimično kriv za kašnjenje u izvršenju Ugovora.
- (5) Naručilac neće moći naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.
- (6) Ukoliko je zbog kašnjenja Izvršioca, Naručilac pretrpio štetu koja je veća od iznosa ugovorne kazne, Naručilac može umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

### **VI. MJESTO VRŠENJA USLUGE**

#### **Član 6.**

Implementacija predmeta Ugovora će se vršiti u podorganizacionoj jedinici Naručioca, Obala Kulina bana 7/II, Sarajevo.

## VII. OBAVEZE PRODAVCA

### Član 7.

Prodavac se obavezuje da:

- dostavi Naručiocu Projektni plan u skladu sa zahtjevima utvrđenim u Tenderskoj dokumentaciji Naručioca;
- robu dostavi i izvrši implementaciju sistema u skladu sa zahtjevima i uslovima utvrđenim u Tenderskoj dokumentaciji Naručioca i Ponudi Prodavca, u roku utvrđenom ovim Ugovorom;
- štiti prava i interese Naručioca, te ga obavještava o toku realizacije ovog Ugovora;
- riješi eventualne reklamacije od strane ovlaštene kontakt osobe Naručioca;
- ispostavi fakturu za realizirani Ugovor i Garanciju za uredno izvršenje ugovora.

## VIII. OBAVEZE NARUČIOCA

### Član 8.

(1) Naručilac se obavezuje da:

- Prodavcu odredi termin isporuke robe;
- da preko ovlaštene kontakt osobe prati izvršenje isporuke, realizaciju ugovora i sačini i potpiše „Zapisnik o kvantitativnom i kvalitativnom prijemu robe“;
- vrati Prodavcu Garanciju za uredno izvršenje ugovora na način utvrđen Tenderskom dokumentacijom Naručioca;
- vrati Prodavcu Garanciju za ozbiljnost ponude;
- da plati primljenu fakturu Prodavca, u skladu sa članom 3. stav (1) ovog Ugovora.

(2) Forma garancije za uredno izvršenje ugovora i forma garancije za ozbiljnost ponude je sastavni dio ovog Ugovora.

## IX. KONTAKT

### Član 9.

Naručilac i Prodavac su saglasni da će se sva korespodencija u vezi sa izvršenjem ovog Ugovora voditi putem ovlaštenih osoba za kontakt:

| Ugovorna strana | Kontakt osoba   | Kontakt telefon i email  |
|-----------------|---|--|
| Naručilac       | Prof. dr Tarik Zaimović,<br>prorektor za finansije UNSA | +38761 142 928<br><a href="mailto:prorektor.finansije@unsa.ba">prorektor.finansije@unsa.ba</a><br><a href="mailto:tarik.zaimovic@efsa.unsa.ba">tarik.zaimovic@efsa.unsa.ba</a> |
| Izvršilac       | Sanel Salkić, direktor Orbicode                         | +38761 380 669<br><a href="mailto:sanel.salkic@orbicode.com">sanel.salkic@orbicode.com</a>   |

## X. RASKID UGOVORA

### Član 10.

(1) Svaka ugovorna strana ima pravo jednostrano raskinuti ovaj Ugovor.

- (2) Naručilac ima pravo jednostranog raskida ovog Ugovora i pravo na naknadu eventualne štete u slijedećim slučajevima:
- ukoliko Prodavac, a u skladu sa odobrenim Projektim planom, kasni sa izvršenjem Ugovora;
  - ukoliko Prodavac, a u skladu sa odobrenim Projektim planom, kasni duže od 30 dana sa isporukom bilo kojeg od tri modula Finansijskog informacionog sistema;
  - ako kvalitet isporučene robe i izvršena implementacija ne odgovaraju zahtjevima iz Tenderske dokumentacije Naručioca i Ponude Prodavca;
  - ukoliko Prodavac ne otkloni nedostatke po primjedbama Naručioca u razumnom roku ne dužem od 30 dana;
  - ako Prodavac iz bilo kojeg razloga, izuzev razloga usljed više sile, dođe u situaciju da ne može izvršiti Ugovor.
- (3) Ugovor može biti jednostrano raskinut dostavom pismene obavijesti jedne ugovorne strane drugoj ugovornoj strani najkasnije 30 (trideset) dana prije raskida Ugovora, u kojem je Prodavac dužan osigurati zamjenu za implementaciju ugovorenog sistema.
- (4) Obavijest mora sadržavati razlog raskida ovog Ugovora.

## **XI. POSLOVNA TAJNA**

### **Član 11.**

Prodavac se obavezuje da će u vremenu trajanja ovog Ugovora i po njegovom prestanku kao poslovnu tajnu čuvati sve informacije koje sazna u vezi sa vršenjem ugovorene obaveze i ostale podatke koji su Prodavcu dostupni, a odnose se na Naručioca i njegovo poslovanje, te da iste neće ni pod kojim uslovima saopštavati trećim licima.

## **XII. RJEŠAVANJE SPOROVA**

### **Član 12.**

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

## **XIII. ZAVRŠNE ODREDBE**

### **Član 13.**

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### **Član 14.**

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima.

## Član 15.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora. Svi rokovi u vezi sa ovim Ugovorom, računaju se od dana stupanja na snagu ovog Ugovora, ukoliko posebnom odredbom nije ugovoren neki drugi datum kao početak toka roka.

## Član 16.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

**ZA NARUČIOCA**

**Rektor**



**Prof. dr. Rifat Škrijelj**

**ZA PRODAVCA**

**Direktor**



**Sanel Salkić**

Broj: 0101-10207-6/19

Sarajevo, 31. 03. 2020. g.

Broj: 31-U-007/20

Sarajevo, 03.04.2020